



REPUBLIKA E SHQIPËRISË
UNIVERSITETI I SPORTEVE TË TIRANËS
SENATI AKADEMIK

Nr. 1162 Prot.

Tiranë, më 22.04 2024

VENDIM QARKULLUES

Nr. 32 dt. 22.04 2024

“PËR
MIRATIMIN E NDRYSHIMEVE NË RREGULLOREN
PËR ZGJEDHJET E AUTORITETEVE DHE ORGANEVE DREJTUESE NË
UNIVERSITETIN E SPORTEVE TË TIRANËS SIPAS PROPOZIMEVE TË MAS”

Mbështetur në nenin 3, nenin 7, nenin 17, nenin 33, nenin 36, nenin 37, nenin 38, nenin 131 të Ligjit nr. 80/2015 “Për Arsimin e Lartë dhe Kërkimin Shkencor në IAL në Republikën e Shqipërisë”, në nenin 7, nenin 18, nenin 19, nenin 20 të Statutit të UST-së, në nenin 3, nenin 7 të Rregullores së UST-së, Urdhërit nr.101, datë 13.03.2024 me nr.1893/1 prot., të Ministrisë së Arsimit dhe Sportit; Vendimit nr. 23 datë 21.03.2024 të Senatit Akademik, në vijim të shkresës së MAS me nr. 1893/11 Prot., datë 18.04.2024; Senati Akademik

VENDOSI:

1. Miratimin e ndryshimeve në Rregulloren për zgjedhjet e autoriteteve dhe organeve drejtuese të UST, që do të zhvillohen në datë 21.06.2024.
2. Ky Vendim i përcillet për miratim Ministrisë së Arsimit dhe Sportit së bashku me Rregulloren e ndryshuar.
3. Ngarkohet për zbatimin e këtij Vendimi dhe depozitimin e Rregullores pranë MAS, Sekretari i Senatit Akademik.
4. Ngarkohet për publikimin e këtij Vendimi në faqen web Drejtoria e Zhvillimit të Programeve dhe Digjitalizimit të Shërbimeve Akademiko-Shkencore.
5. Ky Vendim hyn në fuqi menjëherë.

KRYETARI SENATIT AKADEMIK

Prof. Dr. Agron KASA





REPUBLIKA E SHQIPËRISË
UNIVERSITETI I SPORTEVE TË TIRANËS
SENATI AKADEMIK

RREGULLORE PËR ORGANIZIMIN E ZGJEDHJEVE
PËR AUTORITETET DHE ORGANET DREJTUESE
NË UNIVERSITETIN E SPORTEVE TË TIRANËS

Miratuar me Vendim Senati nr. 32, datë 22.04.2024

KREU I

DISPOZITA TË PËRGJITHSHME

Neni 1

Objekti i rregullores

Kjo rregullore përcakton rregulla për përgatitjen, organizimin, zhvillimin, administrimin, mbikëqyrjen dhe shpalljen e rezultateve të zgjedhjeve për autoritetet dhe organet drejtuese në Universitetin e Sporteve të Tiranës, duke përfshirë:

- a) Kushtet dhe afatet për regjistrimin e kandidatëve, të drejtat dhe detyrimet e tyre, dokumentacionin zgjedhor, listat e zgjedhësve, fushatat zgjedhore;
- b) Rregullat për organizimin dhe funksionimin e administratës zgjedhore;
- c) Kriteret për hartimin e listës së zgjedhësve;
- d) Procedurat për votimin, vlerësimin dhe numërimin e votave, shpalljen e rezultateve;
- e) Procedurat për shqyrtimin e ankimimeve;
- f) Administrimin dhe ruajtjen e dokumentacionit.

Neni 2

Baza ligjore

Kjo rregullore mbështetet në ligjin Nr. 44/2015, "Kodi i procedurave administrative të Republikës së Shqipërisë", i ndryshuar, ligjin Nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë" dhe Statutin e UST-së të miratuar me Urdhrin nr. 124, datë 29.05.2022, të Ministrit të Arsimit, Sportit dhe Rinisë "Për miratimin e statutit të Universitetit të Sporteve të Tiranës", të ndryshuar.

Neni 3

Subjekti i rregullores

1. Subjekt i kësaj rregulloreje është Universiteti i Sporteve të Tiranës (më poshtë UST).
2. Çdo anëtar i personelit akademik me kohë të plotë, i njësive kryesore në UST, ka të drejtën e tij të zgjedhjes dhe të të zgjedhurit, në përputhje me dispozitat e parashikuara në këtë rregullore dhe në ligjin Nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë".
3. Të drejtën për tu zgjedhur në postin e një autoriteti drejtues, (rektor dhe drejtues i njësive kryesore), e kanë edhe persona që nuk bëjnë pjesë në stafin akademik me kohë të plotë në njësitë kryesore dhe që plotësojnë kushtet e parashikuara në përputhje me dispozitat në këtë rregullore dhe në ligjin Nr. 80/2015 "Për arsimin e lartë dhe kërkimin shkencor në institucionet

- e arsimit të lartë në Republikën e Shqipërisë", për të konkuruar për këtë post.
4. Çdo student i UST, ka të drejtën e zgjedhjes së autoriteteve dhe organeve drejtuese. Çdo student ka të drejtën e zgjedhjes dhe të të zgjedhurit për përfaqësuesit e studentëve në organet drejtuese, në përputhje me dispozitat e parashikuara në këtë rregullore dhe në ligjin Nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë".

Neni 4 **Parimet e përgjithshme**

1. Zgjedhjet për autoritetet dhe organet drejtuese të UST-së janë periodike, çdo 4 vjet.
2. Zgjedhjet bëhen me votim të lirë, të fshehtë, të barabartë dhe të drejtpërdrejtë, sipas rregullave të parashikuara në këtë rregullore. Zgjedhësit e ushtrojnë lirisht të drejtën e votës.
3. Çdo zgjedhës ka të drejtën e një vote të vetme për zgjedhjen e çdonjërit prej autoriteteve drejtuese. Përjashtimisht për anëtarë të senatit, si përfaqësues të çdo njësie kryesore, zgjedhësi ka të drejtën e zgjedhjes së jo më shumë kandidatëve se sa njësisë i përkasin.
4. Të drejtën për t'u zgjedhur si autoritet drejtues akademik i UST-së, e ka çdo anëtar i personelit akademik që nuk ka fituar, në të njëjtin funksion dhe në të njëjtin institucion, dy mandate të njëpasnjëshme apo të ndara, në kuptimin e ligjit 80/2015. Mandat i fituar konsiderohet çdo mandat që është fituar nëpërmjet një procesi zgjedhor pavarësisht nga kohëzgjatja e tij. Në numrin e mandateve, sipas kësaj pike, përlllogariten edhe mandatet e fituara sipas ligjit nr. 9741, datë 21.5.2007, "Për arsimin e lartë në Republikën e Shqipërisë", të ndryshuar, dhe të gjitha mandatet e tjera në vijim.
5. Çdo kandidat nuk mund të konkurojë njëkohësisht për më shumë se një post autoriteti drejtues.
6. Çdo kandidat ka të drejtën të organizojë dhe zhvillojë aktivitete për paraqitjen e programit të tij, duke mos cënuar procesin mësimor.
7. Shpallet i zgjedhur në postin e një autoriteti drejtues kandidati që fiton numrin më të madh të votave të vlefshme të zgjedhësve që marrin pjesë në votim, me përjashtim të kandidatëve të vetëm.
8. Kur kandidon një kandidat i vetëm, ky i fundit shpallet fitues me jo më pak se 50 përqind plus një të votave të vlefshme. Nëse kandidatët nuk arrijnë të fitojnë një numër të tilla votash, 15 ditë pas ditës së zgjedhjeve zhvillohet një raund i dytë, pas të cilit nëse kandidati i vetëm nuk fiton 50 përqind plus një të votave të vlefshme, shpallen zgjedhje të reja.
9. Në rast se për postin e një autoriteti drejtues nuk regjistrohet ose nuk fiton asnjë kandidat, zgjedhjet për këtë post zhvillohen, jo më përpara se 6 muaj nga data e zgjedhjeve të shpallura. Zgjedhjet e përsëritura zhvillohen në përputhje me kërkesat e ligjit Nr. 80/2015 "Për Arsimin e Lartë dhe Kërkimin Shkencor në institucionet e arsimit të lartë në Republikën e Shqipërisë" dhe me këtë rregullore. Gjatë periudhës kur nuk ka drejtues të zgjedhur, për caktimin e drejtuesit të njësisë veprohet sipas rregullit të përcaktuar në nenin 39, pika 9, pika 10 dhe neni 42, pika 9 të ligjit Nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë".
10. Zgjedhje të përsëritura zhvillohen jo më vonë se një vit përpara përfundimit të periudhës 4-

vjeçare pas zgjedhjeve të fundit.

11. Në rastin kur për anëtar të Senatit Akademik konkurojnë më shumë kandidatë se sa numri i mandateve të caktuara për njësinë kryesore përkatëse, fitues shpallen kandidatët që fitojnë numrin më të madh të votave të vlefshme të zgjedhësve që marrin pjesë në votim. Për kandidatët që fitojnë numër të barabartë votash, zgjedhja për anëtar të Senatit Akademik bëhet me short. Shorti organizohet dhe realizohet nga Komisioni Institucional i Zgjedhjeve (KIZ).
12. Në rastin kur mbeten vende vakante për anetarë në Senatin Akademik, për arsye se numri i kandidatëve është më i vogël se numri i mandateve, në njësinë kryesore përkatëse zhvillohet nje raund i dytë zgjedhjesh, 15 ditë kalendarike pas ditës së zgjedhjeve. Për këtë raund kanë të drejtë të regjistrohen kandidatë të tjerë që i plotësojnë kërkesat e parashikuara në ligjin Nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë" dhe kërkesat e kësaj rregulloreje.

Neni 5

Periudha zgjedhore dhe thirrja e zgjedhjeve

1. Zgjedhjet për autoritetet drejtuese dhe organet drejtuese në UST zhvillohen njëherësh me të gjitha institucionet e arsimit të lartë publik në Republikën e Shqipërisë.
2. Dita e fillimit të procesit zgjedhor dhe dita e zgjedhjeve caktohet nga ministri përgjegjës për arsimin.
3. Autoriteti me i lartë drejtues në UST (Rektori), shpall ditën e fillimit të procesit zgjedhor dhe datën e përcaktuar nga ministri për zgjedhjen e autoriteteve dhe organeve drejtuese në Universitetin e Sporteve të Tiranës.
4. Zgjedhjet për autoritetet dhe organet drejtuese në UST zhvillohen brenda së njëjtës ditë.
5. Zgjedhjet jashtë rradhe për autoritetet drejtuese në UST, thirren nga Rektori menjëherë pas përfundimit para kohe të mandatit të autoritetit përkatës, nëse pjesa e mbetur është jo më pak se një vit.
6. Rektori thërret zgjedhje jashtë rradhe dhe në rastet e njësisive të reja bazë dhe kryesore, zgjedhje të cilat duhet të kryhen brenda afatit ligjor .
7. Qendrat e votimit hapen në orën 8.00 dhe mbyllen në orën 16.00. Askush nuk mund të votojë pasi KIZ/KZF merr vendim për mbylljen e votimit.

KREU II
INSTITUCIONET PËR PËRGATITJEN DHE ADMINISTRIMIN E ZGJEDHJEVE

Neni 6
Komisioni Institucional i Zgjedhjeve (KIZ)

1. Zgjedhja e anëtarëve të KIZ është detyrë dhe përgjegjësi e Senatit Akademik të UST- së, jo më vonë se 45 (dyzet e pesë) ditë kalendarike pas shpalljes së ditës së zgjedhjeve, Senati Akademik zgjedh KIZ, në përputhje me dispozitat e mëposhtme:
 - a) Senati akademik, me shumicë të thjeshtë dhe me votim të thjeshtë, zgjedh anëtarët e KIZ, nga lista e kandidatëve. Përfaqësimi dhe numri i anëtarëve të KIZ, përcaktohet mbi bazën e numrit të njësisive kryesore të institucionit. Ne çdo rast ai duhet të jetë numër tek dhe jo më i vogël se 5. Njëri prej anëtarëve të KIZ është përfaqësues i studentëve. Nga Senati Akademik, caktohet dhe sekretari i KIZ-it, i cili është anëtar pa të drejtë vote.
 - b) Kandidatët për anëtarë e sekretarë të KIZ vetëkandidohen. Ata duhet të jenë pjesë e personelit akademik me kohë të plotë.
 - c) KIZ konstituohet jo më vonë se katër ditë nga dita e shpalljes së zgjedhjeve;
 - d) Anëtari dhe sekretari i KIZ nuk ka të drejtë të kandidojë për autoritet drejtues dhe/ose për anëtar në organet drejtuese të çdo niveli;
 - e) Në mbledhjen e parë të tij KIZ zgjedh, me shumicën e thjeshtë të votave të anëtarëve të tij, Kryetarin. Rezultati i zgjedhjeve publikohet në të gjitha mjediset e institucionit;
 - f) Gjate periudhës zgjedhore, KIZ mbledhet jo më pak se tri herë në javë. Mbledhja thirret nga kryetari ose të paktën nga dy anëtarë. Mbledhja është e vlefshme kur marrin pjesë jo më pak se 2/3 e të gjithë anëtarëve. Mbledhjet e KIZ janë të hapura.
 - g) KIZ i merr vendimet me shumicën e thjeshtë të të gjithë anëtarëve të tij. Vendimet e KIZ publikohen jo më vonë se 12 orë pas vendimmarrjes.
2. KIZ ka këto kompetenca:
 - a) Nxjerr udhëzime për organizimin dhe zhvillimin e procesit zgjedhor në të gjitha njësitë e UST-së;
 - b) Drejton dhe kontrollon të gjithë procesin zgjedhor;
 - c) Emëron anëtarët e Komisioneve të Zgjedhjeve të Fakulteteve (KZF).
 - d) Regjistron kandidatët për anëtar të Senatit Akademik, Rektor, drejtues të njësisive kryesore, drejtues të njësive baze, anëtarë të komisioneve të përhershme ,
 - e) Akrediton ose revokon akredimin e vëzhguesit/ve;
 - f) Vendos për numrin e qendrave të votimit për çdo njësi kryesore;
 - g) Miraton vulën për KIZ, KZF, si dhe vulën për kryetarin e KZF-së, të cilat prodhohen dhe administrohen sipas kuadrit ligjor në fuqi;
 - h) Harton dhe miraton modelin/et e fletës/ve të votimit për organet dhe autoritetet drejtuese, subjekt të procesit zgjedhor.

- i) Administron materialet zgjedhore.
 - j) Shpall rezultatin e zgjedhjeve për Rektor, anëtarë të Senatit Akademik, drejtues të njësive kryesore , drejtues te njesive baze dhe të anëtarëve të komisioneve të përhershme,
 - k) Administron, gjykon dhe merr vendim për ankimet që regjistrohen prej kandidatëve.
3. Mandati i anëtarit të KIZ-it ndërpritet në rastet kur:
- a) Kryen veprimtari në favor të një kandidati;
 - b) Ndërron jetë;
 - c) Jep dorëheqjen nga detyra;
 - d) Dënohet për vepra penale me vendim gjyqësor të formës së prerë;
 - e) Me veprimet dhe mosveprimet e tij cënon rëndë veprimtarinë e KIZ dhe procesin zgjedhor;
 - f) Mungon, pa shkaqe të arsyeshme, në tri mbledhje radhazi. Trajtimi i çështjes së ndërprerjes së mandatit të një anëtari të KIZ në këtë rast, bëhet vetëm me kërkesën e të paktën dy anëtarëve të tij. KIZ merr vendim mbi këtë kërkesë, jo më vonë se 1 orë pas depozitimit të saj. Vendimin për ndërprerjen e mandatit e merr KIZ kur për të votojnë "Pro" jo më pak se 2/3 e anëtarëve të tij. Vendi i mbetur bosh plotësohet brenda 24 orëve prej Senatit Akademik.
4. Sekretari i KIZ përgatit materialet për çdo mbledhje të KIZ. Ai merr pjesë në mbledhje, mban procesverbalet e mbledhjeve dhe për çdo rast jep shpjegime për çështjet që i kërkojnë. Procesverbali i mbledhjeve duhet të firmoset nga anëtarët e pranishëm në mbledhje dhe të firmoset e vuloset nga sekretari. Sekretari i KIZ është përgjegjës për administrimin e të gjithë dokumentacionit të KIZ.
5. Vendimet e KIZ firmosen prej të gjithë anëtarëve dhe vulosen me vulën e KIZ. Çdo anëtar i KIZ krahas nënshkrimit të tij, mund të deklarojë në vendim votën kundër.
6. Kandidatët për rektor kanë të drejtë të kenë një vëzhgues pranë KIZ.

Neni 7

Komisioni i Zgjedhjeve të Njesisë Kryesore (KZF)

1. Vendimi për ngritjen e Komisioneve të Zgjedhjeve në Fakultete (KZF) , merret nga KIZ, jo më vonë se 3 ditë kalendrike nga dita e formimit të tij. KIZ zgjedh anëtarët e KZF.
2. Kandidatët për anëtarë e sekretarë të KZF vetëkandidohen. Ata duhet të jenë pjesë e personelit akademik me kohë të plotë.
3. Përfaqësimi dhe numri i anëtarëve të KZF-së përcaktohet mbi bazën e numrit të njësive bazë në njësinë kryesore përkatëse. Në çdo rast, ai duhet të jetë numër tek dhe jo më i vogël se 3 anëtarë, njëri prej të cilëve është përfaqësues i studentëve. Nga KIZ caktohet dhe sekretari i KZF, i cili është anëtar pa të drejtë vote pranë këtyre komisioneve.
4. Anëtari dhe sekretari i KZF-së nuk ka të drejtë të kandidojë për autoritet drejtues dhe/ose për anëtar në organet drejtuese, të cilitdo niveli.
5. Mbledhja e parë e KZF-ve zhvillohet një ditë pas vendimit të KIZ për ngritjen e tyre. Në këtë mbledhje, me shumicën e thjeshtë të votave të anëtarëve, zgjidhet kryetari. Rezultati i zgjedhjeve publikohet në UST-së.

6. KZF mbledhet jo më pak se tri herë në javë gjatë periudhës zgjedhore. Mbledhja thirret nga kryetari i KIZ, kryetari i KZF-së ose të paktën nga dy anëtarë. Mbledhja është e vlefshme kur marrin pjesë jo më pak se 2/3 e të gjithë anëtarëve. Mbledhjet e tij janë të hapura për çdo të interesuar.
7. KZF i merr vendimet me shumicën e thjeshtë të të gjithë anëtarëve të tij. Vendimet e KZF-së publikohen, jo më vonë se 12 orë pas miratimit.
8. KZF ka këto kompetenca:
 - a. Përgjigjet për administrimin dhe zhvillimin e zgjedhjeve në njësitë përkatëse
 - b. Publikon listën e zgjedhësve pas miratimit përfundimtar të saj;
 - c. Percjell në KIZ ankimet që regjistrohen prej kandidatëve.
 - d. Kryen çdo detyrë tjetër të ngarkuar nga KIZ
9. Kandidatët për Rektor, drejtues të njësive kryesore dhe drejtues të njësive bazë kanë të drejtë të kenë vëzhgues në KZF, të cilët akreditohen prej KIZ.
10. Mandati i anëtarit të KZF-së ndërpritet në rastet kur:
 - a. Kryen veprimtari në favor të një kandidati;
 - b. Ndërron jetë;
 - c. Jep dorëheqjen nga detyra;
 - d. Dënohet për vepra penale me vendim gjyqësor të formës së prerë;
 - e. Me veprimet dhe mosveprimet e tij cënon rëndë veprimtarinë e KZ dhe procesin zgjedhor;
 - f. Mungon, pa shkaqe të arsyeshme, në tri mbledhje radhazi. Shqyrtimi i çështjes së ndërprerjes së mandatit të një anëtarit të KZF-së në këtë rast, bëhet vetëm me kërkesën e të paktën dy anëtarëve të tij, të cilët e paraqesin atë tek KIZ. Vendimin për ndërprerjen e mandatit e merr KIZ, jo më vonë se 1 orë pas paraqitjes së kërkesës. Për të, duhet të votojnë "Pro" jo më pak se 2/3 e anëtarëve të tij. Vendi bosh plotësohet brenda 24 orëve prej KIZ.
11. Sekretari përgatit materialet për çdo mbledhje të KZF-së. Ai merr pjesë në mbledhje, mban procesverbalet e mbledhjeve dhe për çdo rast jep shpjegime për çështjet që i kërkohen. Procesverbali i mbledhjeve duhet të firmoset nga anëtarët e pranishëm në mbledhje dhe të firmoset e vuloset nga sekretari. Sekretari është përgjegjës për administrimin e të gjithë dokumentacionit të KZF-së.
12. Vendimet e KZF-se firmosen prej gjithë anëtarëve dhe vulosen me vulat përkatëse;
13. Anëtarët e KIZ, KZF dhe KA shpërblehen për veprimtarinë e tyre gjatë periudhës zgjedhore.
14. Masa dhe mënyra e shpërblimit të tyre propozohet nga Rektorati dhe miratohet me vendim të Bordit të Administrimit të UST-së.

Neni 8 Qendrat e Votimit

Pranë çdo njësie kryesore, caktohen Qendrat e Votimit nga KIZ. Si rregull, çdo qendër votimi ka deri në 1000 (një mijë) zgjedhës, të të gjitha trupave zgjedhore, përfshirë studentët. Në rast se njësi kryesore ka më shumë se 1000 (një mijë) zgjedhës, KIZ mund të caktojë më shumë se një qendër votimi për atë njësi kryesore.

Neni 9

Të drejtat dhe detyrat e vëzhguesve

1. Gjatë kryerjes së detyrave të tyre, vëzhguesit kanë këto të drejta:
 - a) Të vëzhgojnë pa pengesë të gjitha aspektet e parapërgatitjes, zhvillimit të zgjedhjeve dhe të gjitha fazat e procesit zgjedhor;
 - b) Të paraqesin vërejtje me shkrim para komisioneve të zgjedhjeve për çdo lloj parregullsie që vërejnë;
 - c) Të shohin ose të këqyrin dokumentacionin ose materialet e procesit zgjedhor.
2. Vëzhguesit kanë këto detyra:
 - a) Të respektojnë kërkesat e kësaj rregulloreje dhe udhëzimet e KIZ për vëzhgimin e zgjedhjeve;
 - b) Të veprojnë në mënyrë të paanshme dhe të mos bëjnë propagandë për asnjë kandidat, në qendrat e votimit ose në vende të tjera të ndaluara sipas kësaj rregulloreje;
 - c) Të paraqiten para komisioneve të zgjedhjeve me autorizimin e lëshuar nga KIZ, si dhe me një dokument identifikimi të pranuar nga KIZ;
 - d) Të mos mbajnë shenja dalluese, që shërbejnë si mjete propagande ose që mund të ndikojnë mbi vullnetin e zgjedhësit;
 - e) Të mos dhunojnë të drejtën e votuesit për të votuar në fshehtësi dhe të mos pengojnë procesin e votimit, të numërimit dhe administrimit të zgjedhjeve.
 - f) Vëzhguesit mbajnë përgjësi për veprimet e tyre të cilat mund të cenojnë/ndikojnë në normalitetin e zhvillimit të proceseve gjatë këtyre zgjedhjeve.

KREU III

LISTAT E ZGJEDHËSVE DHE TRUPAT ZGJEDHORE

Neni 10

Zgjedhësit dhe përgatitja e listës së zgjedhësve

1. Në zgjedhjet për autoritetet dhe organet drejtuese të UST-së marrin pjesë:
 - a. Anëtarët e personelit akademik me kohë të plotë të njësive kryesore;
 - b. Studentët që ndjekin studimet me kohë të plotë në UST.
2. Lista e zgjedhësve për personelin akademik hartohet për çdo njësi kryesore dhe njësi bazë, mbi bazën e të dhënave të regjistrimit të personelit akademik, të punësuar me kohë të plotë që

administrohet nga Drejtoria e Burimeve Njerëzore & Arkiv/Protokollit të UST-së. Çdo zgjedhës identifikohet me përbërësit zgjedhorë:

- a. Emri;
- b. Atësia;
- c. Mbiemri;
- d. Datëlindja;
- e. Gjinia;
- f. Njësia bazë ku është i punësuar/programi mësimor që ndjek student.

2.1 Lista e zgjedhësve të studentëve hartohet nga Sekretaria mësimore e UST. Lista e zgjedhësve të studentëve strukturohet për cdo njësi kryesore dhe sipas programeve të studimit. Cdo student identifikohet në listë me këto përbërës;

- a. Emri;
- b. Atësia;
- c. Mbiemri;
- d. Programi i studimit(cikli, emërtimi)

3. Shtatë ditë përpara ditës së zgjedhjeve, lista përfundimtare e zgjedhësve për personelin akademik dhe për studentët nuk mund të korrigjohet për asnjë arsye. Pas kësaj periudhe, zgjedhësit që nuk e kanë emrin në listën e zgjedhësve ose kanë gabime në përbërësit zgjedhorë, mund të votojnë vetëm në rastin kur, pas shqyrtimit të kërkesës së tyre, KIZ vendos me vendim lidhur me kërkesat për të marrë pjesë në zgjedhje. Kërkesa të tilla, KIZ mund t'i shqyrtojë deri në dy ditë përpara ditës së zgjedhjeve. Zgjedhësi i pajisur me vendimin e KIZ mund të votojë vetëm me paraqitjen e tij në KZF.
4. E gjithë procedura për hartimin e listës së zgjedhësve për personelin akademik dhe studentët monitorohet prej KIZ.

Neni 11

Trupa zgjedhore për anëtarët e personelit akademik të Senatit Akademik

Trupa zgjedhore për përzgjedhjen e anëtarëve, përfaqësues të Njësive Kryesore në Senatin Akademik të Universitetit të Sporteve të Tiranës, përbëhet nga asambleja e personelit akademik me kohë të plotë i të gjitha njësive kryesore.

Neni 12

Trupa zgjedhore për anëtarët student të Senatit Akademik

Trupa zgjedhore për anëtarët studentë të Senatit Akademik të Universitetit të Sporteve të Tiranës përbëhet nga studentët të cilët ndjekin studimet me kohë të plotë në UST.

Neni 12/1

Trupa zgjedhore për Komisionet e Përherëshme

Trupa zgjedhore për përzgjedhjen e anëtarëve të Komisioneve të Përherëshme të Njësive Kryesore është asambleja e personelit akademik me kohë të plotë të njësive kryesore.

Neni 13

Trupa zgjedhore për Rektorin

Trupa zgjedhore për Rektorin e Universitetit të Sporteve të Tiranës përbëhet nga:

- a. Personeli akademik me kohë të plotë i të gjitha njësive kryesore;
- b. Studentët të përcaktuar në gërmën "b" të pikës 1 të nenit 10 të kësaj rregulloreje. Votat e studentëve në përzgjedhjen e rektorit llogariten në masën 10 (dhjetë) përqind të totalit të përgjithshëm të votave të stafit akademik.

Neni 14

Trupa zgjedhore për drejtuesin e njësisë kryesore

Trupa zgjedhore për drejtuesin e njësisë kryesore të Universitetit të Sporteve të Tiranës përbëhet nga:

- a. Personeli akademik me kohë të plotë i njësisë kryesore;
- b. Studentët të përcaktuar në gërmën "b" të pikës 1 të nenit 10-të të kësaj rregulloreje, në atë njësi kryesore. Votat e studentëve në përzgjedhjen e drejtuesit të njësisë kryesore llogariten në masën 10 (dhjetë) përqind të totalit të përgjithshëm të votave.

Neni 15

Trupa zgjedhore për drejtuesin e njësisë bazë

Trupa zgjedhore për drejtuesin e njësisë bazë të Universitetit të Sporteve të Tiranës përbëhet nga personeli akademik me kohë të plotë i njësisë bazë.

KREU IV

RREGJISTRIMI I SUBJEKTEVE DHE FUSHATA ZGJEDHORE

Neni 16

Regjistrimi kandidatëve

1. Procesi i regjistrimit të kandidatëve për autoritetet dhe organet drejtuese në Universitetin e Sporteve të Tiranës fillon ditën e shpalljes nga komisioni zgjedhor përkatës dhe përfundon në orën 16:00 të ditës së pestë kalendarike.
2. Dita për fillimin e regjistrimit të kandidatëve për Rektor, për anëtarë të Senatit Akademik, drejtues të Njësive Kryesore, për përgjegjës të njësisë bazë dhe anëtarë të Komisioneve të Përhershme të Njësive Kryesore shpallet prej KIZ, dy javë kalendarike para fillimit të fushatës zgjedhore.
3. Mosregjistrimi i kandidatëve bëhet me vendim të arsyetuar të KIZ. Vendimi për mosregjistrim të kandidatëve, është i ankimueshëm pranë komisionit të apelit.

Neni 17

Kriteret për anëtarët e Senatit Akademik

1. Kandidatët për anëtar të Senatit Akademik, duhet të plotësojnë kriteret e përcaktuara në këtë rregullore, në ligjin nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë" si dhe në Statutin e UST-së.
2. Kandidatët për anëtar të Senatit Akademik nga personeli akademik në Universitetin e Sporteve të Tiranës i përkasin kategorisë "Profesor" ose kanë gradën shkencore "Doktor" ("PHD"), të fituar pranë universiteteve të vendeve anëtare të OECD-së ose BE-së. Në mungesë të kandidatëve me këtë titull dhe për efekt përfaqësimi, kategoria e tyre mund të zbresë, sipas përcaktimeve të bëra në statutin e UST-së.
3. Kandidatët për anëtar të Senatit Akademik, përfaqësues të studentëve në Universitetin të Sporteve të Tiranës i përkasin kategorisë student të ciklit të parë ose të ciklit të dytë. Në rastet kur një student i zgjedhur në senatin akademik përfundon studimet universitare ose humbet statusin e studentit, ai zëvendësohet nga kandidati pasardhës në renditje, për nga numri i votave të grumbulluara në zgjedhjet e fundit, deri në përfundim të mandatit të nisur.
4. Nuk mund të kandidojnë për anëtar të Senatit Akademik, anëtarët e personelit akademik me kohë të plotë apo studentët që:
 - a) Janë në ndjekje penale dhe ndaj tyre është dhënë masë e sigurimit personal ;
 - b) Është dënuar me vendim gjyqësor të formës së prerë për kryerjen e një vepre penale sipas parashikimeve të legjislacionit në fuqi;
 - c) Mbushin moshën për pension;

- d) Ndaj tyre ka masë disiplinore në fuqi;
- e) Kanë papajtueshmëri në kuptim të ligjit nr.45/2015 "Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë" dhe ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike.

Neni 17/1

Kriteret për anetarët e komisioneve të përhershme në Universitetin e Sporteve të Tiranës dhe komisioneve të përhershme të te njesive kryesore

1. Kandidatet për anetare të komisioneve të përhershme në UST dhe komisioneve të përhershme të njësive kryesore, duhet të plotësojnë kriteret e përcaktuara në këtë rregullore dhe në ligjin nr. 80/2015 "Për arsimin e lartë dhe kerkimin shkencor në institucionet e arsimit të lartë në Republikën e Shqipërisë".
2. Numri i komisioneve dhe vendeve për anetare të komisioneve të përhershme të njësive kryesore në UST, përcaktohen nga senati akademik në përputhje me përcaktimet e bera në statutin e UST -se, por jo më pak se pesë anetare për secilin komision. Në përbërje të komisioneve të përhershme përfaqësohen edhe studentet, sipas përcaktimeve të statutit të UST, me përjashtim të Komisionit për Dhenien e Grades Shkencore "Doktor" dhe Komisionit për Promovimin e Personelit Akademik, në rast se institucionet e gezojnë të drejtën për ngritjen e këtyre komisioneve.
3. Zgjedhja e anëtarëve të komisioneve të përhershme në Universitetin e Sporteve të Tiranës dhe në komisionet e përhershme të njësive kryesore bëhet sipas përcaktimeve në Statutin e UST-së , të miratuar me Urdhrin nr. 124, datë 29.05.2022, të Ministrit të Arsimit, Sportit dhe Rinisë "Për miratimin e statutit të Universitetit të Sporteve të Tiranës", të ndryshuar.
4. Anëtarët e komisioneve të përhershme të UST-se vetëkandidohen dhe zgjidhen për një mandat dyvjeçar, me të drejtë rizgjedhjeje.
5. Nuk mund të kandidojnë për anetare të komisioneve të përhershme në UST dhe komisioneve të përhershme të njësive kryesore, kandidatet që:
 - f) Janë në ndjekje penale dhe ndaj tyre është dhënë masë e sigurimit personal ;
 - g) Është dënuar me vendim gjyqësor të formës së prerë për kryerjen e një veprë penale sipas parashikimeve të legjislacionit në fuqi;
 - h) Mbushin moshën për pension;
 - i) Ndaj tyre ka masë disiplinore në fuqi;
 - j) Kanë papajtueshmëri në kuptim të ligjit nr.45/2015 "Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë" dhe ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike.

Neni 18

Kriteret për Rektor të Universitetit të Sporteve të Tiranës

1. Kandidatët për rektor të Universitetit të Sporteve të Tiranës, duhet të plotësojnë kriteret e përcaktuara në këtë rregullore, në ligjin nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë" si dhe në Statutin e UST-së.
2. Kandidatët për rektor të UST-së, duhet të mbajnë titullin "Profesor" dhe mund të vijnë nga radhët e personelit akademik të UST-së ose jashtë tij.
3. Nuk mund të kandidojnë për rektor të UST-së, kandidatët që:
 - a) Nuk kanë përvojë në mësimdhënie në arsimin e lartë ose kërkim shkencor jo më pak se 10 vjet;
 - b) Nuk kanë përvojë akademike në cilësinë e titullarit të disiplinave të lëndëve, si dhe të kenë zhvilluar kurrikula, programe lëndësh, të kenë përgatitur literaturë mbështetëse dhe/ose të kenë zhvilluar projekte kërkimore etj., prej të paktën 5 vjetësh; Kanë masë disiplinore në fuqi;
 - c) Është dënuar me vendim gjyqësor të formës së prerë për kryerjen e një vepre penale sipas parashikimeve të legjislacionit në fuqi;
 - d) Ata të cilët kanë papajtueshmëri në kuptim të ligjit nr.45/2015 "Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë" dhe ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike";
 - e) Janë në ndjekje penale dhe ndaj tyre është dhënë masë e sigurimit personal;
 - f) Kanë qenë rektor të zgjedhur për dy ose më shumë mandate, të njëpasnjeshme apo të ndara në të njëjtin institucion ku do të kandidojnë. Në numrin e mandateve, sipas kësaj pike, përlllogariten të gjitha mandatet e tjera në vijim të fituara me zgjedhje pavarësisht kohëzgjatjes së tyre në këtë pozicion;
 - g) Mbushin moshën për pension;
 - h) Kandidojnë për autoritete të tjera drejtuese.

Neni 19

Kriteret për drejtues të njësisë kryesore në Universitetin e Sporteve të Tiranës

1. Kandidatët për drejtues të njësisë kryesore në Universitetin e Sporteve të Tiranës, duhet të plotësojnë kriteret e përcaktuara në këtë rregullore, në ligjin nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë" si dhe në Statutin e UST-së.
2. Kandidatët për drejtues të njësisë kryesore në Universitetin e Sporteve të Tiranës, i përkasin kategorisë "Profesor" dhe mund të vijnë nga radhët e personelit akademik UST-së ose jashtë tij.
3. Nuk mund të kandidojnë për drejtues të njësisë kryesore në UST, kandidatët që:

- a) Nuk kanë përvojë në mësimdhënie në arsimin e lartë ose kërkim shkencor jo më pak se 10 vjet;
- b) Nuk kanë përvojë akademike në cilësinë e titullarit të disiplinave të lëndëve, si dhe të kenë zhvilluar kurrikula, programe lëndësh, të kenë përgatitur literaturë mbështetëse dhe/ose të kenë zhvilluar projekte kërkimore etj., prej të paktën 5 vjetësh;
- c) Kanë masë disiplinore në fuqi;
- d) Është dënuar me vendim gjyqësor të formës së prerë për kryerjen e një vepre penale sipas parashikimeve të legjislacionit në fuqi;
- e) Ata të cilët kanë papajtueshmëri në kuptim të ligjit nr.45/2015 "Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë" dhe ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike".
- f) Janë në ndjekje penale dhe ndaj tyre është dhënë masë e sigurimit personal;
- g) Kanë qenë drejtues i njësisë kryesore të zgjedhur për dy ose më shumë mandate, të njëpasnjeshme apo të ndara në të njëjtin institucion ku do të kandidojnë. Në numrin e mandateve, sipas kësaj pike, përlllogariten të gjitha mandatet e tjera në vijim të fituara me zgjedhje pavarësisht kohëzgjatjes;
- h) Mbushin moshën për pension;
- i) Kandidojnë për autoritete të tjera drejtuese.

Neni 20

Kriteret për drejtues të njësisë bazë në Universitetin e Sporteve të Tiranës

1. Kandidatët për drejtues të njësisë bazë në UST, duhet të plotësojnë kriteret e përcaktuara në këtë rregullore, në ligjin nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë" si dhe në Statutin e UST-së.
2. Kandidatët për drejtues të njësisë bazë në UST, janë personel akademik me kohë të plotë të njësisë bazë që i përkasin kategorisë "Profesor" ose kanë gradën shkencore "Doktor" ("PHD"), të fituar pranë universiteteve të vendeve anëtarë të OECD-së ose BE-së. Në rastet kur nuk ka kandidatë të kësaj kategorie, mund të kandidojë për drejtues edhe lektori, kur ky i fundit mban gradën shkencore "Doktor".
3. Nuk mund të kandidojnë për drejtues të njësisë bazë në UST, kandidatët që:
 - a) Nuk kanë përvojë në mësimdhënie për një periudhë të paktën 5 vjeçare dhe nuk është pjesë e personelit akademik me kohë të plotë të kësaj njësie bazë;
 - b) Është dënuar me vendim gjyqësor të formës së prerë për kryerjen e një vepre penale sipas parashikimeve të legjislacionit në fuqi;
 - c) Kanë masë disiplinore në fuqi;
 - d) Kanë papajtueshmëri në kuptim të ligjit nr. 45/2015 "Për të drejtën e (informimit për dokumentet e ish-Sigurimit të Shtetit të Republikës Popullore Socialiste të Shqipërisë" dhe

ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike";

- e) Kanë qenë drejtues të njësisë bazë të zgjedhur për dy ose më shumë mandate, të njëpasnjëshme apo të ndara në të njëjtin institucion ku do të kandidojnë. Në numrin e mandateve, sipas kësaj pike, përlllogariten të gjitha mandatet e tjera në vijim të fituara me zgjedhje-pavarësisht kohëzgjatjes;
- f) Mbushin moshën për pension;
- g) Kandidojnë për autoritete të tjera drejtuese.

Neni 21

Kandidimi

1. Kandidatët për autoritete drejtuese të të gjithë niveleve vetëkandidohen.
2. Kandidatët për Senatit Akademik, përfaqësues të studentëve, propozohen nga jo më pak se 30 studentë, pjesë e trupës zgjedhore.
3. Dokumentet e kandidimit duhet të jenë në përputhje me kërkesat e ligjit nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë" dhe kërkesat e kësaj rregulloreje.

Neni 22

Dokumentacioni për kandidim

1. Dokumentacioni për kandidim nga kandidatët dorëzohet në KIZ dhe përmban:
 - a) Kërkesën për kandidim, e cila përmban, emrin; atësinë; mbiemrin; datëlindjen; gjininë; shprehjen e vullnetit për kandidim; deklarin se kandidati nuk ka fituar dy mandate si autoritet drejtues në postin për të cilin kërkon të kandidojë në të njëjtin institucion; deklarin që nuk është i dënuar me vendim gjyqësor të formës së prerë për vepra penale; deklarin se nuk ka shkak për të qenë objekt i ligjit Nr.138/2015 "Për garantimin e integritetit të personave që zgjidhen, emërohen ose ushtrojnë funksione publike" dhe ligjit Nr. 45/2015 "Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë";
 - b) Kopje të dokumentit të identifikimit;
 - c) Kopje të noterizuar të titullit akademik kur është i jashtëm/ kopje për të brendëshmit;
 - d) Dokumentin që vërteton vendin ku kandidati është i punësuar (për të jashtëmit) ;
 - e) Vetëdeklarim, nëpërmjet të cilit sigurojnë se nuk kanë shkelur ligjshmërinë gjatë procesit të fitimit të gradës shkencore dhe titullit akademik, përfshirë këtu dhe plagjiaturën;

2. Dokumentet e kandidimit për studentët dorëzohen në KIZ, dhe përmbajnë:
 - a) Kërkesën për kandidim, e cila përfshin, emrin, atësinë, mbiemrin, datëlindjen, gjininë dhe shprehjen e vullnetit për kandidim;
 - b) Kopje të dokumentit të identifikimit;
 - c) Vërtetimin që provon se është student me kohë të plotë në UST;
 - d) Propozimin nga jo më pak se 30 studentë pjesë e trupës zgjedhore.
3. Pas verifikimit të dokumentacionit KIZ, jo më vonë se 48 orë nga përfundimi i afatit të paraqitjes së kërkesave për kandidim, miraton dhe publikon listën e kandidatëve për: Rektor, anëtar të Senatit Akademik, drejtues të Njësive Kryesore, Drejtues të Njësive bazë dhe për anëtarë të Komisioneve të Përhershme të Njësive Kryesore.

Neni 23

Kohëzgjatja e mandateve

1. Organet dhe autoritetet drejtuese zgjidhen për një mandat 4-vjeçar, ndersa komisionet e perhershme të njësive kryesore zgjidhen për një mandat 2-vjeçar me të drejtë rikandidimi. Rastet e ndërprerjes së mandateve përcaktohen në kuadrin ligjor në fuqi.
2. Mandati i anëtarëve të KIZ, është 4-vjeçar.

Neni 24

Përfaqësimi i njësive kryesore në Senatin Akademik

Në zbatim të neneve 33 dhe 37 të ligjit nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", Statutit të UST-së dhe sipas Rregullores së UST-së Senati Akademik përbëhet prej 15 anëtarësh, të ndarë sipas skemës në vijim:

- a) Rektori i UST-së si Kryetar i Senatit
- b) Drejtuesit e Njësive Kryesore si autoritetet më të votuara nga Asambletë e Personelit Akademik të Njësive Kryesore përkatëse.
- c) Nga 2 përfaqësues për çdo njësi kryesore të cilët kanë dalë nga procesi zgjedhor si personat më të votuar për të qenë anëtarë të Senatit Akademik të UST-së si përfaqësues të njësisë kryesore ku ata bëjnë pjesë.
- d) 2 përfaqësues të zgjedhur nga Këshilli Studentor i UST-së.

Neni 25

Fushata zgjedhore

1. Fushata zgjedhore fillon një muaj para datës së zgjedhjeve.
2. Fushata zgjedhore përfundon 24 orë para ditës së zgjedhjeve. Dita para datës së zgjedhjeve dhe data e zgjedhjeve deri në mbylljen e votimit, formojnë periudhën e heshtjes zgjedhore. Në periudhën e heshtjes zgjedhore nuk lejohet asnjë lloj fushatë zgjedhore.
3. Administratori i UST-së duhet t'u krijojë kushte të përshtatshme dhe të barabarta të gjithë kandidatëve për të zhvilluar aktivitetet e tyre në kuadër të fushatës elektorale. Në përputhje me kërkesën e kandidatit për kohën dhe vendin për zhvillimin e aktivitetit, administrata e institucionit merr të gjitha masat e nevojshme për zhvillimin e tij, jashtë orëve të mësimi që zhvillohen në institucion.
4. Administratori i UST-së, mbështet KIZ-in në sigurimin e bazës materiale dhe infrastrukturës për procesin zgjedhor. KIZ i drejtohet Administratorit zyrtarisht për nevojat në shërbim të procesit zgjedhor.

KREU V

PËRGATITJA E INFRASTRUKTURËS DHE E DOKUMENTACIONIT PËR ZGJEDHJET

Neni 26

Vendndodhja e komisioneve zgjedhore dhe vendeve të numërimit të votave

1. Vendndodhja e komisioneve zgjedhore përcaktohet sipas rregullit të mëposhtëm:
 - a) KIZ vendoset në godinën ku ndodhet administrata qendrore e UST-së;
 - b) KZF vendosen në godinën ku zhvillon aktivitetin mësimor ose kërkimor njësia kryesore.
2. Vendi i numërimit të votave për autoritet dhe organet drejtuese të UST përcaktohet me vendim të KIZ .

Neni 27

Komisionet për vlerësimin dhe numërimin e votave

1. Votat për Rektor, anëtarë të Senatit Akademik, drejtues të njësisë kryesore, për drejtues të njësisive bazë dhe Komisionet e Përhershme të Njësisive Kryesore, numërohen prej KZF në ambientin e zgjedhur për numerim.
2. KZF pas numërimit të votave, plotëson tabelat zgjedhore për secilën kategori .
3. KIZ, pas kalimit të afateve për ankimimin, shpall fituesit sipas përcaktimeve në këtë rregullore.

Neni 28

Përgatitja e dokumentacionit zgjedhor

1. Për zgjedhjet për autoritetet drejtuese dhe Senatit Akademik, personeli akademik voton me fleta me ngjyra të ndryshme: Fletët e Votimit modelohen për:
 - a) Fletëvotimi për Rektor;
 - b) Fletëvotimi për drejtues të njësisë kryesore;
 - c) Fletëvotimi për drejtues të njësisë bazë;
 - d) Fletëvotimi për anëtar të Senatit Akademik nga personeli akademik;
 - e) Fletë Votimit për Komisionet e Përherëshme.
2. Për zgjedhjet për autoritetet drejtuese dhe senatin akademik studentët votojnë me tre fletë votimi me ngjyra të ndryshme:
 - a) Fletëvotimi për Rektor;
 - b) Fletëvotimi për drejtues të njësisë kryesore;
 - c) Fletëvotimi për anëtare të senatit akademik, përfaqësues i studentëve;
3. Sasia e fletëve të votimit është e barabartë me numrin e zgjedhësve, duke i shtuar 2 përqind.
4. Fleta e votimit përgatitet prej KIZ. Duhet të jetë prej letre, me ngjyrë dhe trashësi që të mos lejojë leximin e votës në pjesën e pasme të saj. Fletët e votimit prodhohen në blloqe pa kundërfletë me numra serial unik. Informacioni që përmban fleta e votimit është:
 - a) Në krye të fletës së votimit vendoset emërtesa për të cilin do të përdoret;
 - b) Emërtimi i autoritetit drejtues ose Senati Akademik;
 - c) Emri, atësia, mbiemri për kandidatët e regjistruar për autoritetin ose organin drejtues përkatës, të cilët renditen sipas rendit alfabetik;
 - d) Në rastin kur për autoritetin drejtues ose anëtar i Senatit Akademik është regjistruar dhe konkuron vetëm një kandidat, në fletën e votimit krahas emrit të tij vendosen alterantivat për votim "Pro" ose "Kundër";
 - e) Fleta e votimit për studentët në sfond të saj ka të shkruar "Për student".

Neni 29

Dërgimi i materialeve zgjedhore nga KIZ në KZF

1. Një ditë përpara datës së zgjedhjeve, KIZ dërgon në KZF materialet zgjedhore, si më poshtë:
 - a) Fletët e votimit për personelin akademik dhe për studentët, në përputhje me numrin e votuesve në njësinë kryesore të UST-së;

- b) Listën e zgjedhësve për personelin akademik dhe listën e zgjedhësve për studentët;
 - c) Vulën e KZF-se;
 - d) Procesverbalet e qendrës së votimit, ku bëjnë pjesë procesverbalet për vulosjen e kutive të votimit, hapjen e qendrës së votimit, pezullimin e votimit, si dhe mbylljen e votimit;
 - e) Zarfën në të cilin është shënuar "Fletëvotimi të dëmtuara";
 - f) Zarfën në të cilin është shënuar "Fletëvotimi të papërdorura";
 - g) Zarfën në të cilin është shënuar "Zarfi i procesverbalit të vulosjes".
2. Përveç kutisë me materiale zgjedhore në KZF dërgohen edhe kutitë e votimit:
- a) Kutia e votimit për rektor ;
 - b) Kutia e votimit për drejtues i njësisë kryesore të njësisë kryesore;
 - c) Kutia e votimit për përgjegjës të njësisë bazë;
 - d) Kutia e votimit për anëtarët e Senatit Akademik nga personeli akademik i njësisë kryesore;
 - e) Kutia e votimit për anëtar të Senatit Akademik, përfaqësues i studentëve;
 - f) Librin e Protokollit të Mbledhjeve të KZF-së;
 - g) Tabelat për rezultatin e zgjedhjeve për secilën kategori;
 - h) Dhomat e fshehta;
 - i) Vulat me kodet e sigurisë.

KREU VI

VOTIMI

Neni 30

Veprimet paraprake për hapjen e qendrës së votimit

1. KZF nën drejtimin e kryetarit dhe sekretarit dhe në prani të vëzhguesve, një orë përpara hapjes së qendrës së votimit, kryen këto detyra:
 - a) Vendos tryezat, karriget, dhomën e fshehtë dhe kutitë e votimit në mënyrë të tillë që të sigurohet fshehtësia e votimit, lëvizja e shpejtë dhe e lirshme e zgjedhësve;
 - b) Afishon udhëzimet për kryerjen e votimit në një vend të përshtatshëm dhe të dukshëm brenda qendrës së votimit;
 - c) Kontrollon të gjitha materialet e marra në dorëzim;
 - d) U tregon vëzhguesve kutitë e votimit të zbrazëta. Në faqen e përparme të çdo kutie votimi vendoset emërtimi për autoritetin që do të votohet me ngjyrë të njëjtë me atë të fletës përkatëse të votimit.
 - e) Mbyll kutitë e votimit me kodet e sigurisë dhe i shkruan këto kode në procesverbalin e vulosjes së kutive të votimit dhe në Librin e Protokollit të Mbledhjeve, i cili nënshkruhet nga

të gjithë anëtarët e KZF-së. Procesverballi mbyllet në zarfin ku është shkruar "Zarfi i procesverballit të vulosjes", i cili futet në kutinë e votimit për rektor para fillimit të procesit të votimit.

2. Anëtarët e KZF-së në prani të kandidatëve/vezhguesve dhe përfaqesuesve të Ministrisë Përgjegjëse për Arsimin e Lartë në Republikën e Shqipërisë, në rast se paraqiten, marrin vendim për hapjen e votimit dhe e nënshkruajnë atë.

Neni 31

Procedurat e votimit

1. Pas kryerjes së detyrave të përcaktuara në këtë rregullore, kryetari i KZF-së deklaron hapjen e votimit jo më përpara se ora 8:00.
2. Sekretari shënon në Librin e Protokollit të KZF-së kohën e largimit dhe të kthimit të çdo anëtari të komisionit prej qendrës së votimit. Kur kryetari largohet nga qendra e votimit, ai ia kalon vulën e kryetarit për përdorim një anëtari të komisionit.
3. Fletët e votimit vulojnë, në pjesën e pasme, në vendin e caktuar me vulën e KZF-së të cilat mbajnë respektivisht shkrimin "KZF dhe emrin e Njesisë Kryesore".
4. Në qendrën e votimit vendosen kuti votimi në numër të barabartë me numrin e autoriteteve dhe organeve drejtuese sipas trupave zgjedhore.
5. Zgjedhësit qëndrojnë në radhë jashtë qendrës së votimit dhe futen njëri pas tjetrit në qendrën e votimit për të votuar, me thirrjen e një anëtari të komisionit. Pasi hyn në qendrën e votimit:
 - a) Zgjedhësi deklaron emrin e tij, nëse është personel akademik apo student, njësinë bazë ku bën pjesë dhe paraqet para komisionit një nga dokumentet zyrtare të vlefshme të identitetit me të dhëna biometrike:
 - i. ID
 - ii. Pasaportë.
 - b) Kryetari, pasi verifikon se të dhënat e identitetit të zgjedhësit përputhen me të dhënat në listën e zgjedhësve dhe se zgjedhësi është i njëjtë me personin në dokumentin e identitetit, shënon në listën e zgjedhësve llojin dhe numrin e serisë së dokumentit të identitetit dhe i heq vizë emrit të zgjedhësit në këtë listë;
 - c) Zgjedhësi që është pajisur nga KIZ me vendim për të votuar pasi hyn në qendër e paraqet atë tek kryetari i qendrës. Emri i këtij zgjedhësi dhe numri i kartës së identitetit të tij shënohet në një regjistër të veçantë;
 - d) Zgjedhësi nënshkruan në listën e zgjedhësve anash emrit të tij;
 - e) Zgjedhësit, personel i stafit akademik, i jepen për të votuar fletët e votimit për rektor, për drejtues të njesisë kryesore, për përgjegjës departamenti në të cilën bëjnë pjesë dhe për fletën e votimit për anëtarë të personelit akademik në Senatin Akademik;
 - f) Zgjedhësit, studentit, i jepen për të votuar fletët e votimit për rektor, për drejtues të njesisë kryesore, për anëtarë në Senatin Akademik përfaqesues i studentëve;
 - g) Çdo fletë e votimit vulojnë, në pjesën e pasme të saj, me vulën e KIZ dhe KZF-së.
 - h) Pasi merr fletët e votimit zgjedhësi hyn në dhomën e fshehtë dhe:

- i. Në fletën e votimit për autoritetet dhe organet drejtuese, votuesi për shprehjen e vullnetit/zgjedhjes së tij shënon në krah të emrit të kandidatit njërën nga 3 shenjat "x"/ "+"/ "√". Shenja duhet të vendoset në kutinë në krah të një emri duke mos kaluar kufijtë e kutisë. Në rastin kur për autoritet drejtues konkuron vetëm një kandidat zgjedhësi voton një nga alternativat e shkruajtura krahas emrit të kandidatit "Pro" ose "Kundër";
 - ii. Në fletën e votimit për anëtarë të senatit akademik , votuesi për shprehjen e vullnetit/zgjedhjes së tij shënon në krah të emrit të kandidatit njërën nga tre shenjat "x"/ "+"/ "√". Zgjedhësi duhet të shënojë jo më shumë emra se sa është numri i mandateve në Senatin Akademik që i përket njësisë kryesore ;
 - iii. Pasi bën shënimin në fletën e votimit, i palos fletët në mënyrë që shenja të mos jetë e dukshme, del nga dhoma e fshehtë, i hedh fletët në kutitë përkatëse të votimit dhe largohet nga qendra e votimit;
- i) Nëse shënimin në fletën e votimit apo në të paktën një nga fletët e votimit bëhet jashtë dhomës së fshehtë, zgjedhësi nuk lejohet të fusë fletën/fletët e votimit në kuti. Kryetari i qendrës e merr këtë fletë votimi, shënon në pjesën e pasme fjalët "E dëmtuar" dhe e fut atë në zarfin "Fletë votimi të dëmtuara". Në këtë rast, zgjedhësit i jepet një fletëvotimi tjetër e të njëjtit lloj dhe rasti mbahet shënim në Librin e Protokollit të Mbledhjeve të KZ-së. Nëse zgjedhësi shënon përsëri në fletën e votimit jashtë dhomës së fshehtë, edhe fleta e dytë e votimit futet në zarfin "Fletëvotimi të dëmtuar" dhe zgjedhësit nuk i jepet me fletëvotimi. Nëse zgjedhësi bën shënim ose e dëmton fletën e votimit pa dashje dhe kërkon një fletëvotimi të dytë, fleta e votimit konsiderohet e dëmtuar dhe futet në zarfin "Fletëvotimi të dëmtuara" dhe zgjedhësit i jepet një fletëvotimi të dytë. Rasti mbahet shënim në Librin e Protokollit të Mbledhjeve të KZ-së. Nëse zgjedhësi shënon ose dëmton përsëri pa dashje fletën e dytë të votimit, edhe fleta e dytë e votimit futet në zarfin "Fletëvotimi të dëmtuara" dhe zgjedhësit nuk i jepet me fletëvotimi. Në asnjë rast fletët e votimit të dëmtuara nuk hidhen në kutitë e votimit.
- j) Qendra e votimit organizohet në një mënyrë të tillë që të lehtësojë procesin e votimit dhe të garantojë plotësisht fshehtësinë e votës. Në qendrën e votimit është e ndaluar përdorimi i mjeteve të komunikimit apo regjistrimit nga ana e votuesit. Në qendrën e votimit mund të qëndrojnë vetëm:
- i. Anëtarët dhe sekretari i KZF;
 - ii. Zgjedhësit që janë duke kryer procedurat e votimit deri në përfundim të tyre;
 - iii. Vëzhguesit e akredituar;
 - iv. Përfaqësuesit e MAS.

Neni 32

Mbyllja e votimit

1. Qëndrat e votimit mbyllën në orën e caktuar. Nëse edhe pas kalimit të këtij orari ka zgjedhës që presin në radhë, komisioni mbledh dokumentet e identifikimit të të gjithë zgjedhësve të pranishëm dhe i thërret ata me radhë për të kryer votimin. Asnjë zgjedhës tjetër nuk do të lejohet të votojë nëse nuk ka qenë në radhë në kohën e mbledhjes së dokumentit të identifikimit.
2. Pasi voton edhe zgjedhësi i fundit i pranishëm, komisioni merr vendim për mbylljen e votimit, duke plotësuar formularin përkatës, ku shënohet edhe ora e mbylljes së votimit. Pas kësaj, në qëndrën e votimit mund të qëndrojnë vetëm anëtarët dhe sekretari i KZF-së, si dhe vëzhguesit e akredituar, kandidatët dhe përfaqësuesit e MAS.

Neni 33

Veprimet pas mbylljes së qëndrës së votimit

Pas marrjes së vendimit për mbylljen e votimit, kryetari së bashku me anëtarët e KZF kryejnë, sipas radhës, veprimet e mëposhtme:

1. Kryetari, nën vëzhgimin e të gjithë anëtarëve;
 - a. Shënon numrin e zgjedhësve që kanë votuar nga personeli i stafit akademik dhe student, duke numëruar nënshkrimet e bëra në listën përkatëse të zgjedhësve, si dhe atyre që janë në regjistrin e veçantë, që kanë votuar sipas kushteve të parshikuara në këtë rregullore;
 - b. Ia deklaron shifrat me zë të lartë anëtarëve të tjerë të Komisionit dhe vëzhguesve të pranishëm;
 - c. I fton ata të verifikojnë shifrat e thëna prej tij;
 - d. Urdhëron sekretarin e komisionit të shenojë në procesverbalin për "Mbylljen e votimit" numrin e personave që kanë votuar në qëndrën e votimit. Në rast kundërshtimesh për përcaktimin e shifrës, pretendimet shënohen në procesverbal.
2. Kryetari, nën vëzhgimin e të gjithë anëtarëve, pasqyron në procesverbalin për "Mbylljen e votimit" numrin e plotë të fletëve të votimit të qëndrës së votimit, për secilin prej kategorive, duke u bazuar tek të dhënat që kanë shoqëruar marrjen në dorëzim të fletëve të votimit nga KIZ, numrin e fletëve të papërdorura dhe numrin e fletëve të dëmtuara për secilën kategori.
3. Kryetari, nën vëzhgimin e të gjithë anëtarëve të komisionit, fillon numërimin e fletëve të votimit të papërdorura për secilin prej kategorive dhe në përfundim të numërimit ia bën të ditur shifrat anëtarëve të komisionit. Nëse kërkohet nga një anëtar i komisionit ose ndonjë nga vëzhguesit, kryetari është i detyruar të rifillojë edhe një herë numërimin e fletëve të votimit të papërdorura. Në përfundim të numërimit, fletët e votimit të papërdorura mbyllën në zarfën ku është shënuar "Fletëvotimi të papërdorura" për secilën kategori. Numri fletëve të votimit të papërdorura pasqyrohet në procesverbalin për "Mbylljen e votimit".
4. Kryetari, nën vëzhgimin e të gjithë anëtarëve të komisionit, numëron fletët e votimit të dëmtuara që gjenden në zarfën "Fletëvotimi të dëmtuara" për secilën kategori. Numri i fletëve të votimit të dëmtuara pasqyrohet në procesverbalin për "Mbylljen e votimit".

5. Në përfundim të veprimeve të parashikuara në pikat 1 deri në 4 të këtij neni, futen:
 - a. Në kutinë e materialeve zgjedhore për zgjedhjen e rektorit:
 - i. Zarfi "Fletëvotimi të papërdorura për zgjedhjen e rektorit";
 - ii. Zarfi "Fletëvotimi të dëmtuara për zgjedhjen e rektorit";
 - iii. Procesverbalin për numrin e fletëve të votimit gjithsej, numrin e fletëve të papërdorura dhe numrin e fletëve të dëmtuara.
 - b. Për secilën kategori veprohet në të njëjtën mënyrë.
6. Mbyllet kutia e votimit. Elementët e sigurisë për mbylljen e këtyre kutive shënohen në procesverbal.
7. Kutia e votimit dhe kutia e materialeve zgjedhore përkatëse dorëzohet në KIZ me procesverbal. Kutitë dhe dokumentacioni zgjedhor shoqërohen nga anëtarët e KZF-së , vëzhguesit dhe përfaqësues të MAS vendin e miratuar nga KIZ .

Neni 34

Vlerësimi, numërimi i votave dhe nxjerrja e rezultatit për zgjedhjen e autoriteteteve dhe organeve drejtuese

Procedurat për vlerësimin, numërimin dhe nxjerrjen e rezultatit të zgjedhjeve kryhen prej KIZ/KZF.

1. Vlerësimi, numërimi i votave dhe nxjerrja e rezultateve zhvillohet sipas radhës së mëposhtme:
 - a) Rektor;
 - b) Drejtues i njësisë kryesore;
 - c) Drejtues i njësisë bazë;
 - d) Anëtarë të Senatit Akademik (personel akademik dhe studentë);
2. Kryetari KZF hap kutinë e votave për rektor, nxjerr nga kutia fletët e votimit, i shpalos dhe i vendos mbi tryezë me pjesën e pasme të fletës nga ana e sipërme. Pas kësaj:
 - a) Vlerëson të gjitha votat e gjetura në kuti, duke ia treguar të gjithë anëtarëve të komisionit dhe vëzhguesve. Votat e pavlefshme ndahen në një grup të veçantë;
 - b) Numëron votat e vlefshme dhe votat e pavlefshme. Numri i tyre, së bashku me numrin e përgjithshëm të votave të gjetura në kuti shënohen në procesverbal;
 - c) Verifikon numrin e përgjithshëm të votave të gjetura në kuti me numrin e votave që duhet të ishin në kuti në bazë të të dhënave të procesverbalit të KZF-së për numrin e përgjithshëm të fletëve të votimit, fletët e votimit të papërdorura dhe fletët e votimit të dëmtuara. Rezultati shënohet në procesverbal;
 - d) Ndan në grupe të veçanta votat e hedhura nga personeli akademik dhe nga studentët dhe i numëron votat e secilit grup. Numri i tyre shënohet në procesverbal;
 - e) Ndan votat e personelit akademik në grupe sipas emrit të kandidatit dhe i numëron. Votat e gjetura shënohen në procesverbal;

- f) Ndan votat e studentëve në grupe sipas emrit të kandidatit dhe i numëron. Votat e gjetura shënohen në procesverbal;
3. Vota të pavlefshme janë fletët e votimit kur:
- Fleta e votimit nuk ka të njejtën madhësi, ngjyrë ose formë me fletën e votimit të miratuar nga KIZ dhe nuk ka vulën e KIZ dhe KZF;
 - Në fletën e votimit janë bërë shënime apo shenja që bëjnë të pamundur vlerësimin e votës;
 - Në fletën e votimit janë bërë shënime në favor ose në disfavor të subjekteve të caktuara zgjedhore;
 - Është votuar për më shumë se një nga subjektet zgjedhore në fletën e votimit;
 - Nuk është votuar për asnjë nga subjektet zgjedhore në fletën e votimit;
 - Nuk është e qartë se për kë është votuar ose zgjedhësi ka votuar për një person apo subjekt që nuk është në fletën e votimit.
 - Nuk është votuar sipas shenjave/simboleve të përcaktuara në Nenin 31.
 - Pas përfundimit të vlerësimit dhe numërimit të votave, KZF-të hartojnë tabelat e rezultateve të votimeve për çdo kategori. Kopje e tabelës të rezultateve të votimeve u jepet, sipas kërkesës, vëzhguesve, kandidatëve dhe përfaqësuesve të MAS.
4. Pas përfundimit të vlerësimit dhe numërimit të votave, KIZ harton tabelën përfundimtare të rezultateve të votimit dhe shpall me vendim të veçantë, rezultatet për secilën kategori. Tabela përfundimtare dhe vendimi i KIZ-së, nënshkruhen nga të gjithë anëtarët e KIZ. Kopje të tabelës përfundimtare të rezultateve të zgjedhjeve ju jepet sipas kërkesës, vëzhguesve të kandidatëve.
5. Mënyra e përlogaritjes së votave për autoritetet drejtuese për të cilët votojnë dhe studentët, do të jetë:
- $$R\% = A/N1 \times 90\% + B/N2 \times 10\%$$
- *R%* - është rezultati i shprehur në përqindje i një kandidati për një pozicion të caktuar;
 - *A* – është numri i votave pro kandidatit nga personeli akademik;
 - *NI* - është numri i përgjithshëm i votave të vlefshme nga personeli akademik;
 - *B* - është numri i votave pro kandidatit nga studentët;
 - *N2* - është numri i përgjithshëm i votave të vlefshme nga studentët.
6. Vendimet e KZF për tabelat e rezultateve të zgjedhjeve ankimohen në KIZ.
7. Gjatë procesit të vlerësimit dhe numërimit të votave në vendin e numërimit të votave kanë të drejtë të qëndrojnë kandidatët vëzhguesit e akredituar dhe përfaqësuesit të autorizuar të MAS-it.
8. Çdo kontestim i kandidatëve apo vëzhguesve, shënohet detyrimisht në librin e procesverbaleve nga sekretari i KZF-së respektive.

Neni 35

Ankimet

1. Kundër vendimeve të KZF-së për shpalljen e tabelave të rezultatit, tabelave përmbledhëse të rezultatit dhe rezultatit të zgjedhjeve, ankimi bëhet në KIZ jo më vonë se 2 ditë kalendarike nga data e shpalljes së tyre.
2. Për efekt të llogaritjes së afatit, periudha dy ditore fillon në orën 16:00 të ditës së shpalljes së aktit për të cilin bëhet ankimi dhe përfundon në orën 16.00, pas dy ditëve kalendarike.
3. KIZ administron dhe merr vendim për ankimet për çështje që nuk lidhen me rezultatit e zgjedhjeve jo më vonë se 24 orë pas paraqitjes së tyre.
4. KIZ administron dhe merr vendime për ankimet për rezultatit e zgjedhjeve jo më vonë se 48 orë pas paraqitjes së tyre.
5. Çdo vendim i KIZ është i ankimueshëm në Komisionin e Apelimit, brenda 5 ditëve nga dita e shpalljes së vendimit, Komisioni i Apelimit shprehet me vendim të arsyetuar brenda 10 ditëve kalendarike.

Neni 36

Ankimi në Komisionin e Apelimit

1. Komisioni i Apelimit përbehet nga 3 (tre) anëtarë.
2. Kandidatet per anetare te KA vetekandidohen ne Senatin Akademik.
3. Anëtarët e KA-së zgjidhen me shumice te thjeshte te votave nga Senati Akademik i UST-së.
4. Për formimin e KA , Senati Akademik i institucionit të arsimit të lartë publik 45 (dyzetë e pesë) ditë pas shpalljes së ditës së zgjedhjeve prej Ministrisë të Arsimit dhe Sportit, publikon kërkesën për aplikim për anëtar në Komisionin e Apelimit të UST-së. Të drejtën për të aplikuar për anëtarë të KA-së e kanë individët që:
 - a) Janë personel akademik me kohe të plotë, të paktën ti përkasë kategorisë “Lektor”.
 - b) Nuk kanë qenë asnjëherë të dënuar për vepra penale me vendim të formës së prerë;
 - c) Nuk kanë lidhje gjinore në vije të drejtë ose të tërthortë, deri në shkallë të katërt, me kandidatë që konkurojnë në zgjedhje. Në rast konstatimi të tillë, anëtari dorëhiqet menjëherë dhe zëvendësohet nga Senati Akademik.
5. Komisioni i zgjedhur i Apelimit, në mbledhjen e parë zgjedh Kryetarin e tij, me shumicën e thjeshtë të votave. Komisioni i Apelit i ushtron funksionet e tij për një mandat 4- vjeçar.
6. Rregullat për mënyrën e funksionimit të Komisionit të Apelimit hartohen prej këtij komisioni, menjëherë pas konstituimit të tij dhe zgjedhjes të kryetarit.

7. Komisioni i Apelit shqyrton dhe merr vendim të arsyetuar, për çdo ankim për vendime të marra prej KIZ.
8. Vendimi i Komisionit të Apelit është i formës së prerë dhe i detyruar për t'u zbatuar.
9. Kundër vendimeve të komisionit të apelit, bëhet ankim në rrugë gjyqësore.

Neni 37

Pavlefshmëria e zgjedhjeve

1. KIZ, kryesisht ose me kërkesë të kandidatëve, i shpall zgjedhjet të pavlefshme në një ose më shumë njësi kryesore, në rast se:
 - a) Kanë ndodhur shkelje të ligjit;
 - b) Mund të jetë cënuar procesi zgjedhor në një masë të tillë, që mund të ketë ndikuar në fitimin e mandatëve;
 - c) Kanë ndodhur fatkeqësi natyrore në përmasa të tilla, që kanë penguar pjesëmarrjen e zgjedhësve në votim;
 - d) Votimi nuk ka filluar apo është pezulluar për më shumë se 5 (pesë) orë.
2. Kërkesën për pavlefshmëri të zgjedhjeve kërkuar duhet ta shoqërojë me shpjegimin për shkaqet ligjore ku mbështetet kërkesa.
3. Shqyrtimi i kërkesës për pavlefshmëri të zgjedhjeve dhe vendimmarrja për kërkesën, bëhet nga KIZ, jo më vonë se dy ditë kalendrike nga depozitimi i saj.
4. Pas vendimit për pavlefshmëri të zgjedhjeve, shpallen zgjedhje të reja sipas përcaktimeve të ligjit Nr. 80/2015 dhe kësaj rregulloreje.

Neni 38

Dispozita të fundit

1. Me përfundimin e procesit të shqyrtimit të ankimeve në Komisionin e Apelit, KIZ shpall rezultatet përfundimtare të zgjedhjeve për autoritete drejtuese dhe Senatit Akademik të UST-së, si dhe kategoritë e tjera sipas përcaktimeve të kësaj rregulloreje.
2. KIZ i përcjell Ministrin përgjegjës për Arsimin e Lartë në Republikën e Shqipërisë vendimin për shpalljen e fituesit si rektor të Universitetit të Sporteve të Tiranës. Ministri pas verifikimit të ligjshmerise se procesit zgjedhor, i përcjell Presidentit të Republikës vendimin e KIZ për shpalljen e fituesit rektor të UST-së.
3. Data e thirrjes së mbledhjes së parë të Sanatit Akademik të UST-së caktohet nga Rektori i zgjedhur dhe i dekretuar. Kjo datë shënon edhe shfuqizimin e Senatit të mëparshëm dhe fillimin e punës së Senatit të ri.
4. Rektori i zgjedhur dhe i dekretuar, emëron drejtuesit e zgjedhur të njësive kryesore të UST- së, brenda muajit të parë të dekretimit të tij.
5. Drejtuesi i Njesisë Kryesore i zgjedhur emëron drejtuesit e zgjedhur të njësive bazë, brenda muajit të parë të emërimit të tij.

6. I gjithë dokumentacioni zgjedhor ruhet në arkivën e institucionit, në bazë të rregullave të përcaktuara në kuadrin ligjor për administrimin, ruajtjen dhe arkivimin e dokumentacionit.
7. Monitorimi i procesit zgjedhor në të gjithë komisionet zgjedhore apo qendrat e votimit, realizohet nga vëzhguesit e akredituar, kandidatët dhe përfaqësuesit e MAS.
8. Kjo rregullore është e detyrueshme për t'u zbatuar si e tillë nga i gjithë personeli akademik, ndihmës akademik dhe administrativ i Universitetit të Sporteve të Tiranës .
9. Kjo rregullore hyn ne fuqi pas miratimit ne Senatin Akademik te UST-se dhe publikohet në faqen zyrtare të UST.

KRYETARI SENATIT

Prof.Dr Agron Kasa



Tirane, me, _/ _/2024

FORMULAR DEKLARIMI

Mbi zbatimin e rregullores "Per organizimin e zgjedhjeve per autoritetet, organet drejtuese dhe komisionet e perhershme ne Universitetin e Sporteve te Tiranes"

Deklaruesi: _____ (emer) _____ (atesi)
(mbiemer)

Pozicioni: _____ (brenda UST-se / jashte UST-se)

Vendi i Punes: _____

Ne mbeshtetje te Rregullores "Per organizimin e zgjedhjeve per autoritetet, organet drejtuese dhe komisionet e perhershme ne Universitetin e Sporteve te Tiranes.

Une Z./Znj. _____ Kandidat per _____, ne Universitetin e Sporteve te Tiranes, **nen pergjegjesine time te plote, deklaroj per mungesen e plagjiatures ne punimet per fitimin e grades shkencore dhe titullit akademik.**

Kjo deklarate eshte hartuar me te dhenat ne ditën e deklarimit.

Nenshkruesi

Tirane me: _/ _/2024